

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՕՐԵՆՔԸ

«ՔՐԵԱԿԱՏԱՐՈՂԱԿԱՆ ԾԱՌԱՅՈՒԹՅԱՆ ՄԱՍԻՆ» ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ ՕՐԵՆՔՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ
ԿԱՏԱՐԵԼՈՒ ՄԱՍԻՆ

Հոդված 1. «Քրեակատարողական ծառայության մասին» Հայաստանի Հանրապետության 2005 թվականի հուլիսի 8-ի ՀՕ-160-Ն օրենքի (այսուհետ՝ Օրենք) 2-րդ հոդվածի 3-րդ մասի երկրորդ պարբերության «ծառայող քաղաքացին» բառերը փոխարինել «ծառայողը» բառով:

Հոդված 2. Օրենքի 3-րդ հոդվածի 1-ին մասից հանել «իրավական ակտերից,» բառերը:

Հոդված 3. Օրենքի 4-ից 8-րդ հոդվածները շարադրել հետևյալ խմբագրությամբ.

«Հոդված 4. Քրեակատարողական ծառայության հիմնական խնդիրները և գործառույթները

1. Քրեակատարողական ծառայության հիմնական խնդիրներն են՝

1) Հայաստանի Հանրապետության քրեական օրենսգրքով նախատեսված, դատարանի նշանակած պատիժները (այսուհետ՝ պատիժներ) կատարելը՝ օրենքով սահմանված կարգով.

2) անձանց՝ օրենքով սահմանված հիմքերով և կարգով կալանքի տակ պահելը.

3) պատիժը կրելուց պայմանական վաղաժամկետ ազատված անձանց նկատմամբ և պատիժը պայմանականորեն չկիրառելու, պատիժը կրելը հետաձգելու կամ դաստիարակչական բնույթի հարկադրանքի միջոցներ կիրառելով՝ քրեական պատասխանատվությունից ազատելու դեպքերում սահմանված վերահսկողություն իրականացնելը.

4) օրենքով նախատեսված այլ խնդիրներ:

2. Քրեակատարողական ծառայությունն իր խնդիրների իրականացման համար կազմակերպում և ապահովում է՝

1) քրեակատարողական հիմնարկների պահպանությունը, ազատությունից զրկելու ձևով պատիժ կրող դատապարտյալներին և կալանավորվածներին փոխադրելը.

2) քրեակատարողական հիմնարկներում և մարմիններում օրինականություն, ինչպես նաև կալանավորվածների և դատապարտյալների՝ իրենց իրավունքներից և ազատություններից օգտվելու երաշխիքները.

3) քրեակատարողական հիմնարկներում պահվող անձանց, այդ հիմնարկների անձնակազմերի և այնտեղ գտնվող այլ անձանց անվտանգությունը.

4) կալանավորվածների և դատապարտյալների կյանքի ու առողջության պահպանման, անձնական և մշակութային, կրթական ու հոգևոր զարգացման պատշաճ պայմանները.

5) կալանավորվածների և դատապարտյալների՝ քրեակատարողական հիմնարկում գտնվելու կապակցությամբ սոցիալական, հոգեբանական աշխատանքներ կազմակերպելը.

6) քրեակատարողական հիմնարկների ու մարմինների նյութատեխնիկական և սոցիալական պայմանների զարգացումը.

7) օրենսդրությամբ նախատեսված այլ գործառույթներ:

3. Քրեակատարողական ծառայության՝ խնդիրների իրականացման նպատակով ըստ ոլորտների կառուցվածքային ստորաբաժանումների գործունեության կարգերը սահմանում է Հայաստանի Հանրապետության արդարադատության նախարարը, բացառությամբ օրենքով նախատեսված դեպքերի:

Հոդված 5. Քրեակատարողական ծառայության կենտրոնական մարմինը

1. Հայաստանի Հանրապետության արդարադատության նախարարության քրեակատարողական ծառայության կենտրոնական մարմինը պետական հիմնարկ է, որը գործում է սույն օրենքին և իր կանոնադրությանը համապատասխան:

2. Հայաստանի Հանրապետության արդարադատության նախարարության քրեակատարողական ծառայության կենտրոնական մարմնի կանոնադրությունը հաստատում է Հայաստանի Հանրապետության կառավարությունը:

3. Քրեակատարողական ծառայության կենտրոնական մարմնի կառուցվածքը և հաստիքացուցակները հաստատում է Հայաստանի Հանրապետության կառավարությունը:

Հոդված 6. Քրեակատարողական ծառայության մարմինները

1. Այլընտրանքային պատիժների և միջոցների կատարման ստորաբաժանումը քրեակատարողական ծառայության կենտրոնական մարմնի կառուցվածքային ստորաբաժանում է: Այլընտրանքային պատիժների և միջոցների կատարման ստորաբաժանումն ունի տարածքային մարմիններ, որոնք գործում են Հայաստանի Հանրապետության մարզերում և Երևան քաղաքում: Այլընտրանքային պատիժների և միջոցների կատարման մարզային ստորաբաժանումը մարզում կարող է ունենալ մի քանի նստավայրեր:

2. Այլընտրանքային պատիժների և միջոցների կատարման ստորաբաժանումն իրականացնում է ազատությունից զրկելու հետ չկապված պատիժների կատարումը և վերահսկողությունը պատժից պայմանական վաղաժամկետ ազատվելու, պատիժը պայմանականորեն չկիրառելու, պատիժը կրելը հետաձգելու կամ դաստիարակչական բնույթի հարկադրանքի միջոցներ կիրառելով՝ քրեական պատասխանատվությունից ազատելու դեպքերում:

3. Այլընտրանքային պատիժների և միջոցների կատարման ստորաբաժանման գործունեության կարգը սահմանում է Հայաստանի Հանրապետության կառավարությունը:

Հոդված 7. Քրեակատարողական հիմնարկները

1. Քրեակատարողական հիմնարկներ են ուղղիչ հիմնարկները և կալանավորվածներին պահելու վայրերը:

2. Քրեակատարողական հիմնարկը պետական հիմնարկ է, որը գործում է սույն օրենքին և իր կանոնադրությանը համապատասխան:

3. Քրեակատարողական հիմնարկների տեսակները և լրակազմերը, ինչպես նաև կառուցվածքները և հաստիքացուցակները սահմանում է Հայաստանի Հանրապետության կառավարությունը:

4. Քրեակատարողական հիմնարկները ստեղծում, վերակազմակերպում և դրանց գործունեությունը դադարեցնում է Հայաստանի Հանրապետության կառավարությունը:

Հոդված 8. Քրեակատարողական ծառայության համակարգում գործող հիմնադրամը

Դատապարտյալների զբաղվածությունն ապահովելու, դատապարտյալներին և կալանավորվածներին պահելու պայմանները բարելավելու, ինչպես նաև քրեակատարողական հիմնարկների ու ծառայողների սոցիալական, մշակութային պայմանները բարելավելու նպատակով քրեակատարողական ծառայության համակարգում Հայաստանի Հանրապետության կառավարությունն ստեղծում է հիմնադրամ, որը գործում է օրենսդրությանը և իր կանոնադրությանը համապատասխան:»:

Հոդված 4. Օրենքի 9-րդ հոդվածի 1-ին մասը շարադրել հետևյալ խմբագրությամբ.

«1. Քրեակատարողական ծառայության պաշտոնները աստիճանական համակարգով՝ բարձրից ցածր, դասակարգվում են ըստ բարձրագույն, գլխավոր, առաջատար, միջին և կրտսեր խմբերի: Յուրաքանչյուր խմբի պաշտոնները նույնպես դասակարգվում են աստիճանական համակարգով՝ բարձրից ցածր: Նույն աստիճանի պաշտոնները բերված են ստորև՝ նույն տողում՝

1) քրեակատարողական ծառայության բարձրագույն խմբի պաշտոններ՝

ա. քրեակատարողական ծառայության պետ,

բ. քրեակատարողական ծառայության պետի առաջին տեղակալ,

գ. քրեակատարողական ծառայության պետի տեղակալ.

2) քրեակատարողական ծառայության գլխավոր խմբի պաշտոններ՝

ա. քրեակատարողական հիմնարկի պետ, քրեակատարողական ծառայության կենտրոնական մարմնի բաժնի պետ,

բ. քրեակատարողական հիմնարկի պետի տեղակալ, քրեակատարողական հիմնարկի պատասխանատու հերթապահ, քրեակատարողական ծառայության կենտրոնական մարմնի բաժնի պետի տեղակալ, քրեակատարողական ծառայության կենտրոնական մարմնի բաժանմունքի պետ.

3) քրեակատարողական ծառայության առաջատար խմբի պաշտոններ՝

ա. քրեակատարողական ծառայության կենտրոնական մարմնի գլխավոր մասնագետ, քրեակատարողական հիմնարկի բաժնի պետ,

բ. քրեակատարողական հիմնարկի բաժնի պետի տեղակալ, քրեակատարողական հիմնարկի բաժանմունքի պետ, քրեակատարողական հիմնարկի տեղամասի պետ,

գ. քրեակատարողական հիմնարկի խմբի ղեկավար,

դ. քրեակատարողական հիմնարկի գլխավոր մասնագետ.

4) քրեակատարողական ծառայության միջին խմբի պաշտոններ՝

ա. քրեակատարողական ծառայության կենտրոնական մարմնի առաջատար մասնագետ,

բ. քրեակատարողական ծառայության կենտրոնական մարմնի առաջին կարգի մասնագետ, քրեակատարողական հիմնարկի առաջատար մասնագետ,

գ. քրեակատարողական հիմնարկի առաջին կարգի մասնագետ.

5) քրեակատարողական ծառայության կրտսեր խմբի պաշտոններ՝

ա. քրեակատարողական ծառայության կենտրոնական մարմնի երկրորդ կարգի մասնագետ,

բ. քրեակատարողական ծառայության կենտրոնական մարմնի երրորդ կարգի մասնագետ,

գ. քրեակատարողական հիմնարկի երկրորդ կարգի մասնագետ,

դ. քրեակատարողական հիմնարկի երրորդ կարգի մասնագետ,

ե. քրեակատարողական հիմնարկի կրտսեր մասնագետ:»:

Հոդված 5. Օրենքի 10-րդ, 16-րդ, 17-րդ, 19-րդ, 28-րդ, 29-րդ, 51-րդ, 51.2-րդ, 51.9-րդ, 51.10-րդ, 51.15-րդ և 51.16-րդ հոդվածներում համապատասխան հոլովածներով փոխարինել՝

1) «վարչության պետ» բառերը «ծառայության պետ» բառերով,

2) «վարչություն» բառը «ծառայության կենտրոնական մարմին» բառերով,

3) «վարչության պետի առաջին տեղակալ» բառերը «ծառայության պետի առաջին տեղակալ» բառերով,

4) «վարչության պետի տեղակալ» բառերը «ծառայության պետի տեղակալ» բառերով:

Հոդված 6. Օրենքի 11-րդ հոդվածը շարադրել հետևյալ խմբագրությամբ.

«Հոդված 11. Քրեակատարողական ծառայության պաշտոնների համապատասխանող կոչումները

Քրեակատարողական ծառայության պաշտոնների համար սահմանվում են հետևյալ առավելագույն կոչումները.

1) քրեակատարողական ծառայության բարձրագույն խմբի պաշտոններ՝

ա. քրեակատարողական ծառայության պետ՝ արդարադատության գեներալ-լեյտենանտ,

բ. քրեակատարողական ծառայության պետի առաջին տեղակալ, քրեակատարողական ծառայության պետի տեղակալ՝ արդարադատության գեներալ-մայոր.

2) քրեակատարողական ծառայության գլխավոր խմբի պաշտոններ՝

ա. քրեակատարողական հիմնարկի պետ, քրեակատարողական ծառայության կենտրոնական մարմնի բաժնի պետ՝ արդարադատության գնդապետ,

բ. քրեակատարողական հիմնարկի պետի տեղակալ, քրեակատարողական հիմնարկի պատասխանատու հերթապահ, քրեակատարողական ծառայության կենտրոնական մարմնի բաժնի պետի տեղակալ, քրեակատարողական ծառայության կենտրոնական մարմնի բաժանմունքի պետ՝ արդարադատության փոխգնդապետ.

3) քրեակատարողական ծառայության առաջատար խմբի պաշտոններ՝

ա. քրեակատարողական ծառայության կենտրոնական մարմնի գլխավոր մասնագետ, քրեակատարողական հիմնարկի բաժնի պետ, քրեակատարողական հիմնարկի տեղամասի պետ՝ արդարադատության փոխգնդապետ,

բ. քրեակատարողական հիմնարկի բաժնի պետի տեղակալ, քրեակատարողական հիմնարկի բաժանմունքի պետ, քրեակատարողական հիմնարկի խմբի ղեկավար, քրեակատարողական հիմնարկի գլխավոր մասնագետ՝ արդարադատության մայոր.

4) քրեակատարողական ծառայության միջին խմբի պաշտոններ՝ քրեակատարողական ծառայության կենտրոնական մարմնի առաջատար մասնագետ, քրեակատարողական ծառայության կենտրոնական մարմնի առաջին կարգի մասնագետ, քրեակատարողական հիմնարկի առաջատար մասնագետ՝ արդարադատության մայրը.

5) քրեակատարողական ծառայության կրտսեր խմբի պաշտոններ՝

ա. քրեակատարողական ծառայության կենտրոնական մարմնի երկրորդ կարգի մասնագետ, քրեակատարողական ծառայության կենտրոնական մարմնի երրորդ կարգի մասնագետ, քրեակատարողական հիմնարկի երկրորդ կարգի մասնագետ, քրեակատարողական հիմնարկի երրորդ կարգի մասնագետ՝ արդարադատության ավագ ենթասպա,

բ. քրեակատարողական հիմնարկի կրտսեր մասնագետ՝ արդարադատության ենթասպա:»:

Հոդված 7. Օրենքի 14-րդ հոդվածում՝

1) 1-ին մասի 4-րդ կետի «30 տարեկանը» բառերը փոխարինել «35 տարեկանը» բառերով,

2) 3-րդ մասի «մեկամյա» բառը փոխարինել «մինչև երկամյա» բառերով,

3) մասը լրացնել հետևյալ բովանդակությամբ նոր նախադասությամբ.

«Ուսումնական դասընթացների ֆինանսավորումն իրականացվում է Հայաստանի Հանրապետության պետական բյուջեի և օրենքով չարգելված այլ միջոցների հաշվին:»:

Հոդված 8. Օրենքի 16-րդ հոդվածի 2-րդ մասը շարադրել հետևյալ խմբագրությամբ.

«2. Քրեակատարողական ծառայության պետի տեղակալներին, քրեակատարողական հիմնարկների պետերին և քրեակատարողական ծառայության կենտրոնական մարմնի բաժնի պետերին պաշտոնի նշանակում և պաշտոնից ազատում է Հայաստանի Հանրապետության արդարադատության նախարարը:»:

Հոդված 9. Օրենքի 17-րդ հոդվածում՝

1) 4-րդ մասից հանել «, բացառությամբ բժշկական սպասարկման ոլորտի պաշտոնների» բառերը,

2) լրացնել նոր բովանդակությամբ՝ 5.1 մասով.

«5.1 Քրեակատարողական ծառայության կրտսեր խմբի պաշտոնում կարող է նշանակվել նաև միջին մասնագիտական կրթություն ունեցող քաղաքացին: Կրտսեր խմբի պաշտոնում աշխատանքի ընդունելուց նախապատվությունը տրվում է միջին մասնագիտական կրթություն ունեցող քաղաքացուն:»,

3) 8-րդ մասի առաջին պարբերության «այն ծառայողները (այդ թվում՝ նշված մարմինների նախկին ծառայողները)» բառերը փոխարինել «և քրեակատարողական ծառայության խնդիրների ու գործառույթների հետ առնչվող այն ծառայողները (այդ թվում՝ նշված մարմինների և քրեակատարողական ծառայության նախկին ծառայողները)» բառերով,

4) 8-րդ մասի երրորդ պարբերությունից հանել «դատական ակտերի հարկադիր կատարման ծառայության» բառերը,

5) 9-րդ մասի առաջին պարբերության «ժամանակավոր պաշտոնակատար» բառերից հետո լրացնել «՝ տվյալ պաշտոնի նշանակելու համար սույն հոդվածով սահմանված պայմանների պահպանմամբ» բառերը:

Հոդված 10. Օրենքի 18-րդ հոդվածի 3-րդ մասի 3-րդ կետը ուժը կորցրած ճանաչել:

Հոդված 11. Օրենքի 19-րդ հոդվածում՝

1) 4-րդ մասը շարադրել հետևյալ խմբագրությամբ.

«4. Արտահերթ ատեստավորումն անցկացվում է Հայաստանի Հանրապետության արդարադատության նախարարի կամ քրեակատարողական ծառայության կենտրոնական մարմնի պետի պատճառաբանված հրամանի հիման վրա:»,

2) 9-րդ մասի առաջին պարբերությունը լրացնել նոր նախադասությամբ՝ հետևյալ բովանդակությամբ.

«Ատեստավորման հանձնաժողովը պետք է կազմավորվի ներկայացուցչական հետևյալ չափորոշիչներով՝

1) առնվազն մեկ երրորդը՝ Հայաստանի Հանրապետության արդարադատության նախարարության ներկայացուցիչներ,

2) առնվազն մեկ երրորդը՝ քրեակատարողական ծառայության ներկայացուցիչներ,

3) առնվազն մեկ ներկայացուցիչ՝ ուսումնական հաստատություններից:»:

Հոդված 12. Օրենքի 20-րդ հոդվածը շարադրել հետևյալ խմբագրությամբ.

«Հոդված 20. Քրեակատարողական ծառայողի վերապատրաստումը, հատուկ ուսուցումը, մասնագիտական գիտելիքների և աշխատանքային ունակությունների կատարելագործման նպատակով գործուղումը

1. Քրեակատարողական ծառայողի վերապատրաստումը՝ նրա մասնագիտական գիտելիքների և աշխատանքային ունակությունների կատարելագործման նպատակով շարունակական ուսուցումն է: Քրեակատարողական ծառայողի հատուկ ուսուցումը՝ նրա օրենքով նախատեսված հրազենի և հատուկ միջոցներ կրելու, պահելու և գործադրելու (մարտական և ծառայողական զենքերից հրաձգություն) հետ կապված գիտելիքների, ունակությունների և հմտությունների կատարելագործման նպատակով շարունակական ուսուցումն է:

2. Քրեակատարողական ծառայության գլխավոր, առաջատար, միջին և կրտսեր խմբերի պաշտոններ զբաղեցնող քրեակատարողական ծառայողները ենթակա են պարտադիր վերապատրաստման առնվազն 3 տարին մեկ և հատուկ ուսուցման՝ առնվազն տարին մեկ: Վերապատրաստումն անցկացվում է նաև քրեակատարողական ծառայողի իրավունքների ու պարտականությունների, մասնագիտական գիտելիքների և աշխատանքային ունակությունների տիրապետման որոշակի պահանջների կատարելագործման կամ այդ պահանջների փոփոխության դեպքում՝ քրեակատարողական ծառայողի կամ քրեակատարողական ծառայության պետի նախաձեռնությամբ:

3. Հատուկ ուսուցում անցնելուց հետո քրեակատարողական ծառայողներն իրավունք ունեն սահմանված կարգով կրելու, պահելու և գործադրելու (կիրառելու) հրազեն և օրենքով նախատեսված հատուկ միջոցներ:

4. Սույն օրենքի 19-րդ հոդվածի 10-րդ մասի 2-րդ կետով սահմանված դեպքերում քրեակատարողական ծառայողներն անցնում են մինչև երեք ամիս ժամկետով վերապատրաստում:

5. Վերապատրաստում և հատուկ ուսուցում անցնելու կարգն ու պայմանները, ինչպես նաև ուսումնական ծրագրերը սահմանում է Հայաստանի Հանրապետության արդարադատության նախարարը:

6. Քրեակատարողական ծառայողների վերապատրաստման հետ կապված ծախսերը կատարվում են պետական բյուջեի, ինչպես նաև Հայաստանի Հանրապետության օրենսդրությամբ չարգելված այլ միջոցների հաշվին: Քրեակատարողական ծառայողը Հայաստանի Հանրապետության պետական բյուջեով սահմանված համապատասխան միջոցների հաշվին վերապատրաստվելուց կամ հատուկ ուսուցում անցնելուց հետո մեկ տարուց պակաս ծառայություն անցնելու դեպքում պարտավոր է, ծառայություն չանցած ամիսներին համապատասխան, կատարված ծախսը, 12 ամսվա կտրվածքով բաժանելով յուրաքանչյուր ամսվա վրա, փոխհատուցել իր վերապատրաստման կամ հատուկ ուսուցման համար կատարված ծախսերը՝ բացառությամբ սույն օրենքի 39-րդ հոդվածի 1-ին մասի 3-րդ, 4-րդ, 11-րդ կամ 13-րդ կետով սահմանված հիմքով ծառայությունից ազատվելու կամ սահմանված կարգով կենսաթոշակի անցնելու դեպքերում:

7. Մասնագիտական գիտելիքների և աշխատանքային ունակությունների կատարելագործման նպատակով քրեակատարողական ծառայողի գործուղումն իրականացնում է նրան պաշտոնի նշանակելու իրավասություն ունեցող պաշտոնատար անձը:

8. Սույն հոդվածի 6-րդ մասով նախատեսված դեպքերում պահպանվում են քրեակատարողական ծառայողի պաշտոնը և ստաժը, իսկ նրա վարձատրությունը կարող է պահպանվել նրան պաշտոնի նշանակելու իրավասություն ունեցող պաշտոնատար անձի հայեցողությամբ:

9. Սույն օրենքի հիման վրա քրեակատարողական ծառայողների վերապատրաստման, մասնագիտական գիտելիքների և աշխատանքային ունակությունների կատարելագործման նպատակով գործուղելու կարգը սահմանում է Հայաստանի Հանրապետության արդարադատության նախարարը:

10. Վերապատրաստման և հատուկ ուսուցման ծրագրերը կազմվում են ըստ ծառայության ոլորտի և պաշտոնի խմբի: Վերապատրաստման տևողությունը չի կարող պակաս լինել 72 ակադեմիական ժամից:»:

Հոդված 13. Օրենքի 21-րդ հոդվածում՝

1) 2-րդ մասի «այլ մարզ ծառայության» բառերը փոխարինել «իր բնակության վայրից 30կմ-ից ավելի ծառայության այլ վայր» բառերով,

2) 4-րդ մասը շարադրել հետևյալ խմբագրությամբ.

«4. Սույն հոդվածով նշված քրեակատարողական ծառայողների ծառայությունը կազմակերպվում է պարտադիր ռոտացիայի սկզբունքով՝ քրեակատարողական ծառայությունում համապատասխանաբար իրար հաջորդող ծառայության փուլերով: Քրեակատարողական ծառայողների պարտադիր ռոտացիայի ենթակա պաշտոններն են.

1) քրեակատարողական ծառայության գլխավոր խմբի պաշտոններ՝

ա. քրեակատարողական հիմնարկի պետ, քրեակատարողական ծառայության կենտրոնական մարմնի բաժնի պետ,

բ. քրեակատարողական հիմնարկի պետի տեղակալ, քրեակատարողական հիմնարկի պատասխանատու հերթապահ, քրեակատարողական ծառայության կենտրոնական մարմնի բաժնի պետի տեղակալ, քրեակատարողական ծառայության կենտրոնական մարմնի բաժանմունքի պետ:»,

3) չորրորդ մասից հետո լրացնել նոր՝ 5-րդ մասով հետևյալ բովանդակությամբ.

«5. Պարտադիր ռոտացիան իրականացնում է տվյալ պաշտոնի նշանակելու իրավասություն ունեցող պաշտոնատար անձի կողմից:»:

Հոդված 14. Օրենքի 22-րդ հոդվածի 1-ին մասից հանել «՝ քրեակատարողական վարչության պետի առաջարկությամբ» բառերը:

Հոդված 15. Օրենքի 23-րդ հոդվածի 1-ին կետը շարադրել հետևյալ խմբագրությամբ.

«1) օրենքով նախատեսված հատուկ միջոցներ և (կամ) հրազեն սահմանված կարգով կրելը, պահելը և գործադրելը (կիրառելը):»:

Հոդված 16. Օրենքի 24-րդ հոդվածի 1-ին մասի 4-րդ կետի «վերադաս մարմինների և պաշտոնատար անձանց» բառերը փոխարինել «օրենքով նախատեսված մարմինների (հանձնաժողովների) և համապատասխան պաշտոնատար անձանց» բառերով:

Հոդված 17. Օրենքի 25-րդ և 26-րդ հոդվածները շարադրել հետևյալ խմբագրությամբ.

«Հոդված 25. Հայաստանի Հանրապետության արդարադատության նախարարության լիազորությունները քրեակատարողական ծառայության կազմակերպման գործում

1. Հայաստանի Հանրապետության արդարադատության նախարարությունը մշակում և իրականացնում է Հայաստանի Հանրապետության կառավարության քաղաքականությունը քրեակատարողական ծառայության գործունեության ապահովման համար:

2. Հայաստանի Հանրապետության արդարադատության նախարարը՝

1) ղեկավարում և վերահսկում է քրեակատարողական ծառայության գործունեությունը.

2) արձակում է քրեակատարողական ծառայության գործունեության կազմակերպմանն ուղղված հրամաններ և տալիս է ցուցումներ.

3) կասեցնում, անվավեր, չեղյալ կամ ուժը կորցրած է ճանաչում քրեակատարողական ծառայության պաշտոնատար անձանց և մարմինների (հանձնաժողովների) համապատասխան հրամանները, որոշումներն ու ցուցումները.

4) նշանակում կամ դադարեցնում է ծառայողական քննություններ, փոփոխում է ծառայողական քննություն կատարողին.

5) իրականացնում է պարտականությունների բաշխում քրեակատարողական ծառայության պետի տեղակալների միջև.

6) ծառայողական քննության ժամանակահատվածում կարող է ժամանակավորապես դադարեցնել քրեակատարողական ծառայողի լիազորությունները.

7) իրականացնում է սույն օրենքով և իրավական այլ ակտերով սահմանված այլ լիազորություններ:

Հոդված 26. Քրեակատարողական ծառայության կենտրոնական մարմնի ղեկավարը

1. Քրեակատարողական ծառայությունը ղեկավարում է քրեակատարողական ծառայության կենտրոնական մարմնի ղեկավարը, որը՝

1) ղեկավարում է քրեակատարողական ծառայության և քաղաքացիական հատուկ ծառայության գործունեությունը.

2) ապահովում է սույն օրենքի, Հայաստանի Հանրապետության այլ օրենքների ու իրավական ակտերի պահանջների, ինչպես նաև Հայաստանի Հանրապետության արդարադատության նախարարի հրամանների և ցուցումների կատարումը.

3) ընդունում է քրեակատարողական ծառայության և քաղաքացիական հատուկ ծառայության գործունեության կազմակերպմանն ուղղված հրամաններ, տալիս է ցուցումներ, անհրաժեշտության դեպքում հայտարարում է տազնապ, այդ թվում՝ ուսումնական տազնապ կամ ուժեղացված ծառայություն.

4) առաջարկություններ է ներկայացնում Հայաստանի Հանրապետության արդարադատության նախարարին՝ ծառայության կառուցվածքի, իր տեղակալների միջև պարտականությունների բաշխման, քրեակատարողական ծառայության և քաղաքացիական հատուկ ծառայության պաշտոններում նշանակելու թեկնածությունների վերաբերյալ.

5) Հայաստանի Հանրապետության արդարադատության նախարարի հաստատմանն է ներկայացնում քաղաքացիական ծառայողների պաշտոնի անձնագրերը.

6) իր իրավասությունների շրջանակներում պաշտոնի նշանակում և պաշտոնից ազատում է քաղաքացիական ծառայողներին.

7) շնորհում է քաղաքացիական հատուկ ծառայության դասային աստիճաններ, բացառությամբ սույն օրենքի 51.2-րդ հոդվածի 2-րդ մասով նախատեսված դեպքերի.

8) միջնորդություն է ներկայացնում Հայաստանի Հանրապետության արդարադատության նախարարին՝ քրեակատարողական ծառայողներին և քաղաքացիական ծառայողներին խրախուսելու կամ նրանց նկատմամբ կարգապահական տույժեր կիրառելու մասին.

9) քննարկում է քրեակատարողական ծառայողների և քաղաքացիական ծառայողների նկատմամբ բերված բողոքները.

10) կասեցնում, անվավեր, չեղյալ կամ ուժը կորցրած է ճանաչում քրեակատարողական ծառայության պաշտոնատար անձանց հրամանները, որոշումներն ու ցուցումները.

11) նշանակում և անցկացնում է ծառայողական քննություններ.

12) իր իրավասության սահմաններում խրախուսանքի կամ կարգապահական տույժի է ենթարկում քրեակատարողական ծառայողներին, քաղաքացիական ծառայողներին և քրեակատարողական ծառայության կենտրոնական մարմնի վարձու աշխատողներին.

13) ծառայողական քննության ժամանակահատվածում կարող է ժամանակավորապես դադարեցնել իր կողմից պաշտոնում նշանակված քրեակատարողական ծառայողի կամ քաղաքացիական ծառայողի լիազորությունները.

14) իրականացնում է օրենքով և իրավական այլ ակտերով, ինչպես նաև քրեակատարողական ծառայության կենտրոնական մարմնի կանոնադրությամբ սահմանված այլ լիազորություններ:

2. Քրեակատարողական ծառայության պետը պատասխանատվություն է կրում քրեակատարողական ծառայության խնդիրների իրականացման համար:»:

Հոդված 18. Օրենքի 28-րդ հոդվածում՝

1) 1-ին մասին 1-ին կետի «հսկում է» բառերը փոխարինել «վերահսկում է» բառերով,

2) 1-ին մասի 9-րդ կետը շարադրել հետևյալ խմբագրությամբ.

«9) ստեղծում է համապատասխան պայմաններ կալանավորված անձանց և դատապարտյալների աշխատանքային զբաղվածությունն ապահովելու նպատակով, միաժամանակ՝ քրեակատարողական ծառայության համակարգում գործող հիմնադրամին եռամսյակը մեկ տեղեկատվություն ներկայացնելով աշխատելու ցանկություն ունեցող կալանավորված անձանց և դատապարտյալների, ինչպես նաև նրանց ունեցած մասնագիտությունների կամ մասնագիտական ունակությունների վերաբերյալ,».

3) 2-րդ մասի «հիմնարկի ղեկավարը» բառերից հետո լրացնել «անմիջականորեն ենթակա է քրեակատարողական ծառայության պետի համապատասխան տեղակալին և» բառերով:

Հոդված 19. Օրենքի 31-րդ հոդվածի 2-րդ մասում «Քրեակատարողական ծառայողին» բառերից հետո լրացնել «և քրեակատարողական ծառայությունում քաղաքացիական ծառայողին» բառերով:

Հոդված 20. Օրենքի 32-րդ հոդվածի 1-ին մասի 8-րդ կետը շարադրել հետևյալ խմբագրությամբ.

«8) կազմակերպել գործադուլներ կամ մասնակցել դրանց»:

Հոդված 21. Օրենքի 35-րդ և 36-րդ հոդվածները շարադրել հետևյալ խմբագրությամբ.

«Հոդված 35. Քրեակատարողական ծառայողների նկատմամբ կիրառվող խրախուսանքի տեսակները

1. Երկարամյա ծառայության, ինչպես նաև ծառայողական պարտականությունները և առաջադրանքները պատշաճ կատարելու համար քրեակատարողական ծառայողի նկատմամբ կարող են կիրառվել խրախուսանքի հետևյալ տեսակները.

1) շնորհակալության հայտարարում.

2) պատվոգրով պարգևատրում.

3) միանվագ դրամական պարգևատրում.

4) հուշանվերով պարգևատրում.

5) արտահերթ կոչման շնորհում.

6) տվյալ պաշտոնի համար սահմանված առավելագույն կոչումից մեկ աստիճան բարձր կոչումի շնորհում, եթե կրկնակի լրացել է ունեցած կոչումով ծառայության սահմանված ժամկետը.

7) լրացուցիչ արձակուրդի տրամադրում.

8) կարգապահական տույժի հանում.

9) մեղալով կամ կրճբանշանով պարգևատրում:

2. Սույն հոդվածի 1-ին մասի 5-րդ և 6-րդ կետերով նախատեսված խրախուսանքները քրեակատարողական ծառայողի նկատմամբ կարող են կիրառվել մեկ անգամ ծառայության ամբողջ ընթացքում:

3. Միաժամանակ կարող է կիրառվել խրախուսանքի մի քանի տեսակ:

4. Սույն հոդվածի 1-ին մասով նախատեսված խրախուսանքները կարող է կիրառել Հայաստանի Հանրապետության արդարադատության նախարարը, ինչպես նաև քրեակատարողական ծառայության պետը: Ընդ որում՝ սույն հոդվածի 1-ին մասի 5-րդ և 6-րդ կետերով նախատեսված խրախուսանքները քրեակատարողական ծառայության պետը կարող է կիրառել Հայաստանի Հանրապետության արդարադատության նախարարի համաձայնությամբ: Սույն հոդվածի 1-ին մասի 8-րդ կետով նախատեսված խրախուսանքը կարող է կիրառել տույժը կիրառած ղեկավարի կամ նրա վերադասի կողմից, իսկ եթե կարգապահական տույժը նշանակել է Հայաստանի Հանրապետության արդարադատության նախարարը, ապա նախկինում նշանակված կարգապահական տույժը ժամկետից շուտ կարող է հանել միայն նա:

5. Սույն հոդվածի 1-ին մասի 1-ին և 2-րդ կետերով նախատեսված խրախուսանքները կարող են կիրառել նաև քրեակատարողական հիմնարկների ղեկավարները:

6. Սույն հոդվածի 1-ին մասի 9-րդ կետով նախատեսված մեդալի և կրծքանշանի տեսակները և ձևերը սահմանում է Հայաստանի Հանրապետության արդարադատության նախարարը:

7. Սույն հոդվածի 1-ին մասի 2-րդ, 3-րդ, 4-րդ և 9-րդ կետերով նախատեսված խրախուսանքները կիրառվում են Հայաստանի Հանրապետության պետական բյուջեով սահմանված համապատասխան միջոցների հաշվին:

Հոդված 36. Քրեակատարողական ծառայողների նկատմամբ կիրառվող կարգապահական տույժերը

1. Ծառայողական պարտականություններն անհարգելի պատճառով չկատարելու կամ ոչ պատշաճ կատարելու, ծառայողական դիրքն ի չարը գործադրելու, ինչպես նաև ծառայողական լիազորությունները վերազանցելու դեպքերում քրեակատարողական ծառայողի նկատմամբ կիրառվում են հետևյալ կարգապահական տույժերը.

- 1) նկատողություն.
- 2) խիստ նկատողություն.
- 3) պաշտոնին ոչ լրիվ համապատասխանելու մասին զգուշացում.
- 4) պաշտոնի իջեցում.
- 5) կոչման իջեցում մեկ աստիճանով.
- 6) ծառայությունից ազատում:

2. Սույն հոդվածի 1-ին մասով նախատեսված կարգապահական տույժերը կարող է կիրառել Հայաստանի Հանրապետության արդարադատության նախարարը, բացառությամբ սույն հոդվածի 5-րդ, 6-րդ և 7-րդ մասերով նախատեսված դեպքերի:

3. Սույն հոդվածի 1-ին մասով նախատեսված կարգապահական տույժերը կարող է կիրառել նաև քրեակատարողական ծառայության պետը, ընդ որում՝ սույն հոդվածի 1-ին մասի 4-րդ, 5-րդ և 6-րդ կետերով նախատեսված կարգապահական տույժերը քրեակատարողական ծառայության պետը կարող է կիրառել միայն իր կողմից պաշտոնում նշանակված կամ կրտսեր խմբի քրեակատարողական ծառայողների նկատմամբ:

4. Սույն հոդվածի 1-ին մասով նախատեսված կարգապահական տույժերը կարող են կիրառել նաև քրեակատարողական հիմնարկների ղեկավարները, ընդ որում՝ սույն հոդվածի 1-ին մասի 4-րդ, 5-րդ և 6-րդ կետերով նախատեսված կարգապահական տույժերը քրեակատարողական հիմնարկի պետը կարող է կիրառել միայն իր կողմից պաշտոնում նշանակելու իրավունք ունեցող քրեակատարողական ծառայողների նկատմամբ:

5. Սույն հոդվածի 1-ին մասի 4-րդ կետով նախատեսված կարգապահական տույժը քրեակատարողական ծառայության պետի նկատմամբ չի կիրառվում:

6. Սույն հոդվածի 1-ին մասի 5-րդ կետով նախատեսված կարգապահական տույժը քրեակատարողական ծառայության պետի կամ առնվազն արդարադատության գեներալ-մայորի կոչում ունեցող ծառայողի նկատմամբ կիրառում է Հայաստանի Հանրապետության Նախագահը:

7. Սույն հոդվածի 1-ին մասի 6-րդ կետով նախատեսված կարգապահական տույժը քրեակատարողական ծառայության պետի նկատմամբ կիրառում է Հայաստանի Հանրապետության Նախագահը՝ Հայաստանի Հանրապետության արդարադատության նախարարի միջնորդությամբ:»:

Հոդված 22. Օրենքի 37-րդ հոդվածում՝

- 1) 5-րդ մասի առաջին պարբերությունից հանել «նշանակումից վեց ամիս հետո՝» բառերը,
- 2) 5-րդ մասի «2-րդ մասով» բառերը փոխարինել «4-րդ մասով» բառերով,
- 3) 6-րդ մասի «3-5 կետերով» բառերը փոխարինել «4-6 կետերով» բառերով:

Հոդված 23. Օրենքի 39-րդ հոդվածի 1-ին մասում՝

- 1) 6-րդ կետի «3-րդ կամ 4-րդ» բառերը փոխարինել «4-րդ կամ 5-րդ» բառերով,
- 2) 7-րդ կետի «5-րդ կետով» բառերը փոխարինել «6-րդ կետով» բառերով,
- 3) 9-րդ կետը ճանաչել ուժը կորցրած:

Հոդված 24. Օրենքի 40-րդ հոդվածի 1-ին մասի 6-րդ կետի «3-րդ կետով» բառերը փոխարինել «4-րդ կետով» բառերով:

Հոդված 25. Օրենքի 41-րդ հոդվածի 1-ին մասից հանել «խմբի պաշտոններ զբաղեցնողների համար 50 տարեկանը» բառերը:

Հոդված 26. Օրենքը լրացնել նոր՝ 42.1 հոդվածով, հետևյալ բովանդակությամբ.

«Հոդված 42.1. Քրեակատարողական ծառայության վետերանները

Քրեակատարողական ծառայության վետերաններ են համարվում քրեակատարողական ծառայության այն ծառայողները, ովքեր առնվազն 10 տարի ծառայել են քրեակատարողական ծառայությունում և սահմանված կարգով ստացել են երկարամյա ծառայության կենսաթոշակի իրավունք:»:

Հոդված 27. Օրենքի 43-րդ հոդվածի 1-ին մասի «3-5-րդ կետերով» բառերը փոխարինել «1-ին և 3-7-րդ կետերով» բառերով:

Հոդված 28. Օրենքի 48-րդ հոդվածի «յուրաքանչյուր դեպքում» բառերից հետո լրացնել «, որը պետք է համաչափ լինի քրեակատարողական հիմնարկում գտնվող անձի կողմից դրսևորած վարքին» բառերով:

Հոդված 29. Օրենքի 49-րդ հոդվածի 3-րդ մասի «մարդու առողջությանը վնաս չպատճառող» բառերը փոխարինել «օրենսդրությամբ նախատեսված» բառերով:

Հոդված 30. Օրենքի 49-րդ հոդվածի 4-րդ մասի, 50-րդ հոդվածի 2-րդ մասի և 51-րդ հոդվածի 2-րդ մասի 1-ին կետի «քրեակատարողական ծառայողի» բառերից հետո լրացնել «կամ քրեակատարողական հիմնարկում գտնվող այլ անձի» բառերով:

Հոդված 31. Օրենքի 51.14-րդ հոդվածում՝

1) 4-րդ մասում «ատեստավորումն անցկացվում է» բառերից հետո լրացնել «Հայաստանի Հանրապետության արդարադատության նախարարի կամ» բառերով,

2) 30-րդ մասից հետո լրացնել նոր՝ 30.1-րդ մասով հետևյալ բովանդակությամբ.

«30.1 Ատեստավորման հանձնաժողովը կազմավորում է Հայաստանի Հանրապետության արդարադատության նախարարը: Ելնելով ծառայության առանձնահատկություններից՝ Հայաստանի Հանրապետության արդարադատության նախարարը կարող է ձևավորել մեկից ավելի ատեստավորման հանձնաժողովներ: Ատեստավորման հանձնաժողովը պետք է կազմավորվի ներկայացուցչական հետևյալ չափորոշիչներով՝

1) առնվազն մեկ երրորդը՝ Հայաստանի Հանրապետության արդարադատության նախարարության ներկայացուցիչներ,

2) առնվազն մեկ երրորդը՝ քրեակատարողական ծառայության ներկայացուցիչներ,

3) առնվազն մեկ ներկայացուցիչ՝ ուսումնական հաստատություններից:»:

Հոդված 32. Օրենքի 51.25-րդ հոդվածում՝

1) 1-ին մասը լրացնել նոր՝ 1.1-րդ կետով հետևյալ բովանդակությամբ.

«1.1) պատվոգրով պարգևատրում»:

Հոդված 33. Օրենքի ուժի մեջ մտնելը

1. Սույն օրենքն ուժի մեջ է մտնում պաշտոնական հրապարակմանը հաջորդող տասներորդ օրը:

2. Սույն օրենքի 12-րդ հոդվածն ուժի մեջ է մտնում 2014 թվականի հունվարի 1-ից:

ՀԻՄՆԱՎՈՐՈՒՄ

«ՔՐԵԱԿԱՏԱՐՈՂԱԿԱՆ ԾԱՌԱՅՈՒԹՅԱՆ ՄԱՍԻՆ» ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ ՕՐԵՆՔՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՅՈՒՄՆԵՐ
ԿԱՏԱՐԵԼՈՒ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔԻ ՆԱԽԱԳԾԻ
ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

1. Իրավական ակտի անհրաժեշտությունը (նպատակը).

«Քրեակատարողական ծառայության մասին» Հայաստանի Հանրապետության օրենքում փոփոխություններ և լրացումներ կատարելու մասին» ՀՀ օրենքի նախագծի (այսուհետ՝ նախագիծ) ընդունման անհրաժեշտությունը պայմանավորված է հետևյալ հանգամանքներով. նախ՝ քրեակատարողական ծառայության գործունեության ընթացքում ծագել են հարցեր, որոնց կանոնակարգումները պետք է կատարելագործել կամ նպատակահարմարությունից ելնելով՝ փոփոխել, երկրորդ՝ կան հարաբերություններ, որոնք կանոնակարգված չեն՝ անհրաժեշտ է դրանք կանոնակարգել, երրորդ՝ անհրաժեշտ են կատարել խմբագրական կամ հստակեցման բնույթի փոփոխումներ կամ լրացումներ: Մասնավորապես (չանդրադառնալով օրենքում տեղ գտած խմբագրական և հստակեցման բնույթ ունեցող, ինչպես նաև նպատակահարմարությունից բխող որոշ դրույթների), նախագծի 3-րդ հոդված. ոչ սկզբունքային փոփոխություններով հստակեցվել են ծառայության՝ օրենքով նախատեսված այնպիսի կարգավորումներ, որոնք վերաբերում են ծառայության նպատակին, խնդիրներին և գործառույթներին, ծառայության կենտրոնական և տարածքային մարմիններին, քրեակատարողական հիմնարկներին և ծառայության համակարգում գործող հիմնադրամին:

Նախագծի 4-րդ, 5-րդ և 6-րդ հոդվածներ. քրեակատարողական ծառայության ընդհանուր նկարագրով անհրաժեշտ է սահմանել, թե որ պաշտոնատար անձն է ղեկավարում ծառայությունը: Օրենքի «վարչության պետ», «վարչություն» բառերը համապատասխանաբար, համապատասխան հոլովաձևերով «ծառայության պետ» և «ծառայության կենտրոնական մարմին» բառերով փոխարինելու անհրաժեշտությունը պայմանավորված է նրանով, որ օրենքով նախատեսված խնդիրների իրականացումն ապահովում է քրեակատարողական ծառայությունը: Իսկ Օրենքի 26-րդ հոդվածի 1-ին մասի 1-ին կետի համաձայն՝ քրեակատարողական ծառայության և քաղաքացիական հատուկ ծառայության գործունեությունը

ղեկավարում և հսկում է քրեակատարողական վարչության պետը: Այսինքն՝ քրեակատարողական վարչության պետը հանդիսանում է քրեակատարողական ծառայության պետ: Նշվածը հանգեցնում է «քրեակատարողական վարչության պետի տեղակալ» բառերը «քրեակատարողական ծառայության պետի տեղակալ» բառերով փոխարինելու անհրաժեշտությանը: Օրենքի 6-րդ հոդվածով տրվում է քրեակատարողական ծառայության կենտրոնական մարմնի հասկացությունը, միևնույն ժամանակ նշված հոդվածի 1-ին մասով սահմանվում է, որ քրեակատարողական ծառայության կենտրոնական մարմինը Հայաստանի Հանրապետության արդարադատության նախարարության քրեակատարողական վարչություն, այսինքն՝ քրեակատարողական ծառայության կենտրոնական մարմինն ունի երկու անվանում՝ «քրեակատարողական ծառայության կենտրոնական մարմին» և «քրեակատարողական վարչություն»: Քրեակատարողական ծառայության կենտրոնական մարմինն երկու անվանում տալու անհրաժեշտություն չկա, ուստի ներկայացվող նախագծով անհրաժեշտ է «քրեակատարողական վարչություն» բառերը փոխարինել «քրեակատարողական ծառայության կենտրոնական մարմին» բառերով:

Նախագծի 7-րդ հոդված. աշխատանքային համապատասխան փորձ չունենալու դեպքում ծառայությունում պաշտոնի նշանակելիս որոշակի խնդիրներ են առաջանում, երբ համապատասխան դասընթացները կազմակերպվում են մեկ ամսով, ուստի նպատակահարմար է դրանք աստիճանաբար երկարաձգվեն մինչև երկու ամիս՝ ավելի արդյունավետ դարձնելու նպատակով: Բացի այդ, ծառայությունում լինում են թափուր պաշտոններ, որոնց կապակցությամբ ներկայացվում են ոչ մեկ դիմում: Այդ կապակցությամբ, ընտրություն կատարելու անհրաժեշտություն է ծագում, որի դեպքում էլ մրցույթի միջոցով այն իրականացնելն ավելի արդյունավետ կլինի:

Նախագծի 8-րդ, 9-րդ և 14-րդ հոդվածներ. տվյալ դրույթներով նախատեսված հայեցողությունը սահմանվել է հիմք ընդունելով Օրենքի 26-րդ հոդվածի 1-ին մասի 4-րդ կետով նախատեսված լիազորությունները: Նման լուծումների սահմանումը նպատակահարմար է նաև ընտրության հնարավորությունը մեծացնելու իմաստով:

Նախագծի 12-րդ հոդված. տվյալ հոդվածով կարգավորվել են մասնագիտական գիտելիքների և աշխատանքային ունակությունների

կատարելագործման նպատակով քրեակատարողական ծառայողի գործուղումների դեպքերում առաջացող՝ Օրենքով չկարգավորված հարաբերությունները:

Նախագծի 13-րդ հոդված. տվյալ հոդվածով էլ ավելի են հստակեցվել քրեակատարողական ծառայողների ռոտացիային վերաբերող հարաբերությունները, քանի որ դրանք թերկարգավորված էին:

Նախագծի 14-րդ, 16-րդ, 17-րդ և 18-րդ հոդվածներ. սկզբունքային փոփոխություններ չկատարելով հստակեցվել են նախարարի, ծառայության կենտրոնական մարմնի և քրեակատարողական հիմնարկի պետի, ինչպես նաև ծառայողների լիազորությունները:

Նախագծի 22-րդ և 23-րդ հոդվածներ. անհրաժեշտ է հստակեցնել տվյալ՝ ծառայողների նկատմամբ խրախուսանքի և կարգապահական տույժերի կիրառմանը վերաբերող կարգավորումները՝ հստակեցնելով նաև դրանք կիրառող պաշտոնատար անձանց լիազորությունները:

Նախագծի 26-րդ հոդված. ծառայության գրավչության տեսանկյունից անհրաժեշտ է նաև համապատասխան վերաբերմունք ցուցաբերել նաև ծառայությունից արձակված անձանց նկատմամբ, որի փորձն էլ կատարված է տվյալ հոդվածով նախատեսված դրույթով (չնայած նրան, որ դրույթն ունի դեկլարատիվ բնույթ):

Նախագծի 31-րդ հոդված. հստակեցվել են ատեստավորման հանձնաժողովի կազմավորման գործընթացը՝ որոշակի չափով սկզբունքներ և չափորոշիչներ սահմանելով Հայաստանի Հանրապետության արդարադատության նախարարի համար:

Նախագծի 32-րդ հոդված. քաղաքացիական հատուկ ծառայողի համար նախատեսված խրախուսանքի միջոցների ցանկը մասամբ (ամբողջությամբ չի համապատասխանեցվել, քանի որ մյուս տեսակները նպատակահարմար է նախատեսել միայն քրեակատարողական ծառայողներին) համապատասխանեցվել է քրեակատարողական ծառայողի համար Օրենքով սահմանված խրախուսանքի միջոցների ցանկին:

2. Կարգավորման հարաբերությունների ներկա վիճակը և առկա խնդիրները.

Քրեակատարողական ծառայության գործունեությունը կանոնակարգվում է «Քրեակատարողական ծառայության մասին» Հայաստանի Հանրապետության

օրենքով (ինչպես նաև դրանից բխող այլ իրավական ակտերով), սակայն առկա են մի շարք խնդիրներ, որոնք կարելի է պայմանականորեն բաժանել երեք խմբի. նախ՝ քրեակատարողական ծառայության գործունեության ընթացքում ծագել են հարցեր, որոնք ժամանակի պահանջներին չեն համապատասխանում և դրանց կանոնակարգումները պետք է կատարելագործել կամ նպատակահարմարությունից ելնելով՝ փոփոխել: Երկրորդ՝ կան հարաբերություններ, որոնք կանոնակարգված չեն, և նման իրավիճակները հանգեցնում է որոշակի խնդիրների. անհրաժեշտ է դրանք կանոնակարգել:

3. Առկա խնդիրների առաջարկվող լուծումները.

Նախագծի ընդունումը թույլ կտա լուծել քրեակատարողական ծառայության ոլորտում առկա և վերը մատնանշված խնդիրները:

4. Կարգավորման առարկան.

Նախագծի ընդունմամբ հստակեցվում և կատարելագործվում են «Քրեակատարողական ծառայության մասին» Հայաստանի Հանրապետության օրենքով նախատեսված կարգավորումները, ինչպես նաև կարգավորվում են քրեակատարողական ծառայության գործունեության ընթացքում ի հայտ եկած՝ տվյալ օրենքով չկարգավորված հարաբերությունները:

5. Իրավական ակտի կիրառման դեպքում ակնկալվող արդյունքը.

«Քրեակատարողական ծառայության մասին» ՀՀ օրենքում լրացումներ և փոփոխություններ կատարելու մասին» ՀՀ օրենքի նախագծի ընդունման դեպքում ակնկալվում է տվյալ ծառայության գործունեությանը վերաբերող առանձին «աշխատանքային գործիքների» կիրառման արդյունավետության բարձրացում՝ զերծ մնալով օրենսդրական թերի կամ ոչ հստակ կարգավորումներից:

Տ Ե Ղ Ե Կ Ա Ն Ք

«ՔՐԵԱԿԱՏԱՐՈՂԱԿԱՆ ԾԱՌԱՅՈՒԹՅԱՆ ՄԱՍԻՆ» ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ ՕՐԵՆՔՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ
ԿԱՏԱՐԵԼՈՒ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔԻ
ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ
ԱՆՀՐԱԺԵՇՏՈՒԹՅԱՆ ՄԱՍԻՆ

«Քրեակատարողական ծառայության մասին» ՀՀ օրենքում լրացումներ և փոփոխություններ կատարելու մասին» ՀՀ օրենքի ընդունման կապակցությամբ ՀՀ գործող օրենսդրությունում անհրաժեշտություն կառաջանա փոփոխություններ կատարել ՀՀ Նախագահի 31.07.2006թ. թիվ ՆՀ-163-Ն հրամանագրում, ՀՀ կառավարության 19.10.2001թ. թիվ 1015, 15.09.2005թ. թիվ 1728-Ն, 06.10.2005թ. թիվ 1806-Ն, 29.12.2005թ. թիվ 2303-Ն, 24.08.2006թ. թիվ 1304-Ն, 23.02.2006թ. թիվ 393-Ն, 27.04.2006թ. թիվ 982-Ն, 03.08.2006թ. թիվ 1543-Ն, 24.08.2006թ. թիվ 1256-Ն, 26.10.2006թ. թիվ 1561-Ն, 26.05.2006թ. թիվ 825-Ն, 30.04.2009թ. թիվ 550-Ն, 13.05.2010թ. թիվ 530-Ն, 21.04.2011թ. թիվ 487-Ն, 12.01.2006թ. թիվ 73-Ն, որոշումներում և ՀՀ արդարադատության նախարարի 27.05.2006թ. թիվ 50-Ն, 18.12.2009թ. թիվ 311-Ն, 09.09.2010թ. թիվ 184-Ն, 09.09.2010թ. թիվ 185-Ն, 09.09.2010թ. թիվ 186-Ն, 24.11.2010թ. թիվ 229-Ն, 24.11.2010թ. թիվ 230-Ն, 08.12.2010թ. թիվ 235-Ն, 18.11.2005թ. թիվ ՔՀ-67-Ն հրամաններում:

Անհրաժեշտ է նաև ընդունել ՀՀ կառավարության՝ ամբողջությամբ նոր որոշումներ, որոնցով՝

1) կհաստատվի քրեակատարողական ծառայության կենտրոնական մարմնի կառուցվածքը և հաստիքացուցակները (նախագծի 3-րդ, իսկ Օրենքի 5-րդ հոդված),

2) կսահմանվեն քրեակատարողական հիմնարկների տեսակները և լրակազմերը, ինչպես նաև կառուցվածքները և հաստիքացուցակները (նախագծի 3-րդ, իսկ Օրենքի 7-րդ հոդված):

Անհրաժեշտ է ընդունել ՀՀ կրթության և գիտության նախարարի հրաման՝ միջին մասնագիտական կրթության քրեակատարողական մասնագիտության պետական կրթական չափորոշիչները հաստատելու մասին:

ՏԵՂԵԿԱՆՔ

«ՔՐԵԱԿԱՏԱՐՈՂԱԿԱՆ ԾԱՌԱՅՈՒԹՅԱՆ ՄԱՍԻՆ» ՀԱՅԱՍՏԱՆԻ
 ՀԱՆՐԱՊԵՏՈՒԹՅԱՆ ՕՐԵՆՔՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՅՈՒՄՆԵՐ
 ԿԱՏԱՐԵԼՈՒ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔԻ
 ԸՆԴՈՒՆՄԱՆ ԿԱՊԱԿՑՈՒԹՅԱՄԲ ՊԵՏԱԿԱՆ ԿԱՄ ՏԵՂԱԿԱՆ
 ԻՆՔՆԱԿԱՌԱՎԱՐՄԱՆ ՄԱՐՄՆԻ ԲՅՈՒՋԵՏՈՒՄ ԾԱԽՍԵՐԻ ԵՎ ԵԿԱՄՈՒՏՆԵՐԻ
 ԷԱԿԱՆ ԱՎԵԼԱՑՄԱՆ ԿԱՄ ՆՎԱՋԵՑՄԱՆ ՄԱՍԻՆ

«Քրեակատարողական ծառայության մասին» Հայաստանի
 Հանրապետության օրենքում փոփոխություններ և լրացումներ կատարելու մասին»
 Հայաստանի Հանրապետության օրենքի ընդունման կապակցությամբ պետական
 կամ տեղական ինքնակառավարման մարմնի բյուջեում ծախսերի և եկամուտների
 էական ավելացում կամ նվազեցում չի նախատեսվում:

Պետական բյուջեում կամ տեղական ինքնակառավարման մարմինների բյուջեների վրա ազդեցությունը					
Ցուցանիշներ	ընթացիկ (2012) տարի		Հաջորդող 3 տարիները		
	Ըստ 2012 թվականի պետական բյուջեի	Փոփոխու- թյունը 2012 թվականի պետական բյուջեի համեմատ	2013 թ.	2014 թ.	2015 թ.
			Փոփոխություն ն ընթացիկ տարվա համեմատ (2012 թվական)	Փոփոխություն ն ընթացիկ տարվա համեմատ (2012 թվական)	Փոփոխություն ն ընթացիկ տարվա համեմատ (2012 թվական)
1	2	3	4	5	6
1. Եկամուտներ	չի նախատեսվում	չի նախատեսվում	չի նախատեսվում	16140600 դրամ	16140600 դրամ
1.1. պետական բյուջեի եկամուտներ	չի նախատեսվում	չի նախատեսվում	չի նախատեսվում	16140600 դրամ	16140600 դրամ
1.2. ՏԻՄ եկամուտներ	-	-	-	-	-
2. Ծախսեր	չի նախատեսվում	չի նախատեսվում	չի նախատեսվում	16140600 դրամ	16140600 դրամ
2.1. պետական բյուջեի ծախսեր	չի նախատեսվում	չի նախատեսվում	չի նախատեսվում	16140600 դրամ	16140600 դրամ
2.2. ՏԻՄ բյուջեի ծախսեր	-	-	-	-	-
3. Ֆիսկալ ազդեցության	0	-	-	-	-

գնահատական					
3.1. պետական բյուջե	0				
3.2. ՏԻՄ բյուջե	-	-	-	-	-
4. Եկամուտների և ծախսերի հաշվարկների մանրամասն ներկայացում (անհրաժեշտության դեպքում կարող է ներկայացվել հավելվածի տեսքով):					
4.1. Եկամուտների գնահատում					
4.2. Ծախսերի գնահատում					
5. Այլ տեղեկություններ (եթե այդպիսիք առկա են)			-		

Հաշվարկ

Վերապատրաստում (քանակ x ծրագրի տևողություն x ժամի արժեք = գին)

Մինչ 2012 թվականը տարեկան վերապատրաստվել է 735 քրեակատարողական ծառայող 60 ակադեմիական ժամ տևողությամբ ծրագրերով:

Ծրագրերի տևողությունը 12 ակադեմիական ժամով ավելացնելու պարագայում ստացվում է հետևյալ պատկերը

735 (ծառայողների քանակ) \times 12 (ակադեմիական ժամ) \times 1830 (ժամի արժեք) = 16140600 ՀՀ դրամ
 Վերապատրաստման ծրագրերի տևողությունը 72 ժամ սահմանելու պարագայում սպասվում է բյուջեի ավելացում 16140600 ՀՀ դրամով: